



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KOMISIJA ZA PROMET I KOMUNIKACIJE
Broj: 01/6-011- 1520/03
Sarajevo, 28.10.2003. godine

ZAPISNIK

četvrte sjednice Komisije za promet i komunikacije Predstavničkog doma Parlamentarne skupštine BiH.

Četvrta sjednica Komisije za promet i komunikacije Predstavničkog doma Parlamentarne skupštine BiH održana je 28.10.2003. godine, u vremenu od 10,00 do 12,00 sati.

Sjednicom je predsjedavao predsjedavajući Komisije, Miloš Jovanović.

Sjednici su, osim predsjedavajućeg, prisustvovali članovi Komisije: Nenad Mišić, Ivo Lozančić, Milorad Živković, Ruža Sopta i Izet Hadžić.

Sjednici Komisije nisu prisustvovali iz opravdanih razloga, Muhamed Moranjkić, Selim Bešliagić i Adem Huskić.

Sjednici su prisustvovali i, Branko Dokić, ministar Ministarstva komunikacija i transporta, Branka Todorović, sekretar Predstavničkog doma, te Dragica Hinić, stručni saradnik u radnim komisijama Parlamentarne skupštine BiH i privremeni sekretar Komisije.

Za sjednicu je predložen slijedeći

DNEVNI RED:

1. Verifikaciranje zapisnika 3. sjednice Komisije za promet i komunikacije;
2. Utvrđivanje prijedloga zaključaka u vezi s Informacijom Vijeća ministara BiH o dosadašnjim aktivnostima na izgradnji autoputa Koridor Vc;
3. Tekuća pitanja.

Dnevni red usvojen je jednoglasno.

Ad.1.

Zapisnik treće sjednice Komisije usvojen je jednoglasno.

Ad.2.


Predsjedavajući Komisije, Miloš Jovanović ukratko je informirao Komisiju o obavezi proistekloj iz zaključka Doma, da na ovoj sjednici utvrdi prijedlog zaključaka na osnovu Informacije Vijeća ministara BiH o dosadašnjim aktivnostima na izgradnji autoputa Koridor Vc i poslaničkih prijedloga zaključaka datih na sjednici Doma. Potom je dao riječ g-dinu Branku Dokiću koji je detaljno obrazložio dosadašnje aktivnosti preduzete od Vijeća ministara BiH i resornog ministarstva, na izgradnji autoputa.

U nastavku je vođena rasprava u kojoj su učestvovali Milorad Živković, Nenad Mišić, Ruža Sopta, Izet Hadžić, Branko Dokić i Miloš Jovanović.

Nakon rasprave članovi Komisije jednoglasno su usvojili slijedeći prijedlog zaključaka koji će biti upućen Domu na usvajanje:

1. Predstavnički dom Parlamentarne skupštine BiH primio je k znanju Informaciju Vijeća ministara BiH o inicijativama i aktivnostima na izgradnji autoputa Koridor Vc.
2. Država BiH mora biti vlasnik projektne dokumentacije za izgradnju Koridora Vc.
3. Obavezuje se Vijeće ministara BiH da ubrza cjelokupni postupak oko izgradnje Koridora Vc, što uključuje okončanje procesa izbora Komisije za koncesije BiH, pripremu za raspisivanje javnog međunarodnog tendera za prikupljanje ponuda za dodjelu koncesije, kao i druge raspoložive mogućnosti.
4. Obavezuje se Vijeće ministara BiH da po potrebi, a najmanje jednom mjesečno, informira Komisiju za promet i komunikacije o svim daljim aktivnostima na izgradnji Koridora Vc, a Dom svaka tri mjeseca.
5. Sve aktivnosti u vezi s izgradnjom Koridora Vc moraju biti u potpunosti transparentne.
6. Parlamentarna skupština BiH predlaže Vijeću ministara BiH da pripremi prijedloge zakonskih i podzakonskih akata neophodnih za realiziranje projekta Koridor Vc.

Zapisnik sačinila:
Dragica Hinić



Predsjedavajući Komisije:
Milos Jovanovic

